

養素堂文集

養素堂文集卷六

崔威張 澍介侯

序四

送顧鹿畦之浮梁任序

爲問今之民俗有不譎觚乎試觀今之吏治亦爲敝筭矣
毀譽混三代之直操履遜四知之嚴歧路染絲高粱濡翼
將玉汝而歌顧鼠不矜人而集哀鴻秦越何心郝爾肥膾
道路以目有慘戈矛方且騁秋駕之沛艾尋徑南山聳夏
畦之脅焉失交北部然漁蕭蠶績聖阿多政事之材冬日
春風剗邪靈循良之選顏子與禹稷同道原以飢溺爲懷

養素堂文集卷六

伊尹欲堯舜其民時厯溝壑之納有間自古豈異於今鹿
畦仁兄浙之魁士也讀崔陵萬卷之書養沈攸十年之氣
髮將垂棘心乃咎虛面似削爪性不谿刻文而無害於不
以吏爲師仕而能優畝敢以儒爲戲吾知其炙所贈刀以
待士播琴磨蜃以劭農凍絲染羽以惠工帆藥車鹽以通
賈可以忽攝五縣可以皋牢九能斷斷然矣今夫有德而
無才暖姝者所以退舍於盤根錯節也遇時而寡學徽燼
者所以招譏於俗狀塵容也其何能堂鳴子賤之琴街息
董宣之鼓樂奏王阜之磬集成姚合之詩乎吾觀抱兒當
門任棠恤孤之教買菜出境庫狄厲已之風然或假偕壻

宗手非霹靂絮掾且起而歔歔矣矯飾脫粟控無銜轡扈
漏又難以補塞矣夫魏戊彊項獄莫蔽於梗陽戴聖傳經
名乃汙於黷貨或且暗求婚竈餽餉梁冀之蛇罔恤名宗
蹀躞蕭傳之馬遂乃驕人白日首丘顛倒於神嘯附驥青
雲賈賤惟恃於趙孟此固觚生所目笑諒亦鉅子所腹非
也君與余落岑氣合金石情堅賞奇則文章有神嗜味在
酸醎以外班尹陶陶於永夜袁謝款款於當時許偕異書
一癡無礙回翔仕路三化何曾豈不欲歸虛誦平子之賤
早知學道爭聽菴城之絃任延善事上官非其願也卓茂
洊升太傅又何難乎當此歌驪之候聊脩舉燭之箋君或

不以爲莠言而以爲韋佩耶

鶴城送別詩序

道光八年春余開復補授建昌屬之瀘谿於四月履任越
次年六月移疾告歸士民安余之拙而惜其去也各爲詩
歌以送別大抵情深而文明志和而音雅第贊詞過實美
言爲粵愧余無以厭之也迨赴省大府不准引退仍於十
年四月回任自念五十之年尙羈塵鞅內負夙心外慚良
友地若可入吾忍見宓子哉暇日檢篋中詩錄而存之付
諸剞劂聊以爲他日雪泥鴻爪云時六月之二十日

送洪斐唐管裏塘糧務序

管人有經無不論之國者入其境山剗削而汚穢水渰盪而毒淫其人則濃薄無心其物則髣髴無幹又有腥臊腐鬱之氣充衍於四時旣而悔曰吾何爲涉此地而見是山是水是人是物是氣也旣而寤曰吾不涉於此地則何以知世之有是山是水是人其物是氣也急剡驚颿歸而循途求仁壽之巖處之掘功德之泉飲之擇空桐之人受之佗陶丘之器庸之又時吐納沆瀣清淳之氣以滌盪腸胃若不知曩之曾涉無不論國也者裏塘爲蜀之西僻疆則戎索而界連魚通尙未遠內地其山水人物與夫氣候未必如無不論之陋劣也斐唐得斯役若有不豫者余以爲

即使其山水人物氣候如無不論之陋劣異日返駕則所
歷之境又豈無不論之山水人物氣候所能仿佛萬一耶
芟唐其毋庸不豫也夏雪可以沁肺石井可以清心人皮
之鼓可擊以娛耳天星之葉可翫以養目竹筵之字爾吉
之畫可習以頤神羌活之魚可治痛星宿之雞可延年雖
三十六之天七十二之地或未之有而顧頊頊爲其母乃
思控卡之海危索篋之橋乎吾知其必不然矣

送歐陽瑞哉歸邵陽序

粵閩蘭澤茫岑通於臭味翁博婦好感以聲香蓋集焉是
鳥見嗤墨翟媒乃爲鵲遺恨靈均若乃作客他鄉相逢白

首論交永夜快觀黃鶯鵲約方深驪歌忽起有不心懸明
月執手裊裊思逐浮雲牽裾眷戀者乎歐陽瑞哉茂才邵
陽魁士也如氏瑤源餘亭秀葉家風篤穆世德清芬旌節
栽花林盈象笏科名植草桁滿猩袍橋茂於山父兄彪怒
玉折爲水子弟龍超庭誥顏君規趨矩步門律張氏坊行
壇言是真和伯孔宗頌儀不忒永叔文範寫奕能遵者矣
夫其無施不恡殿貨無私計晦瞻貧指困拚置鮒也涸轍
救以尺波涉不褰裳履焉咫尺道暖回左伯恍遇陽春病起
爰精如蓬斗極券投於火戶免追呼劍守於塗鄰多遜讓
可以卜飼花之雀銜環報恩去餉之蛇送珠謝惠也君則

折枝侍膝執簡訓從茲遺考叔米負仲由雲裏雁鳴早傷
墮翼堂前萱茂又抱采薪自洗滌臉不假童僕親嘗藥味
潛祝神農蓬首何辭棘心以慰無何寒泉寂響慈竹摧筠
痛賁皋魚悲來泣鶴七日不食瘞如束柴三年獨眠笑不
至矧可與殷陶接踵符表齊肩矣遂乃志在四方游經萬
里葉榆浪黑鹿蓼峯青金馬碧雞時窺神景沙壺柳貌遠
訪遺蹤麇飽枕椰鮮烹鐵釜詩題弔鳥酒泛邪龍激越豪
情良亦稱快則有公冶縵綬甯越鞭笞憫其覆盆達之嘉
石遂使挾銀戴就不羅歐刀被械何蕃仍歸鬻舍義聲仁
質亦又匡多厥後扁舟入韻囊筆來豐逆旅掬琴參倒

展華華子姪服事先生氍毹泉比導揚學術佩之迷穀茅
塞頓開示以智珠漆室有耀宜其鳳毛浴日鳴上樞固駿
臣籥雲騰來注渥維時到處逢迎相知疊密諸侯坐上大
府幕中李法相商羣欽后畫來帖不乞仍摸韭花而以文
詞豔麗肝膈光明穆之百函兼了餘事柳公雙鑠復勝他
人宛宛鷺洲修修螺渚軒開見月臺迴披風未嘗不當食
而歎魚思資水廢書而寢夢繞衡雲也茲者假裝揆日祭
輒戒期敬謝故人言旋舊里大江東去能不愴容越鳥南
飛自成別曲蕭騷白髮寂寞青瑣回思隙駒流光如逝偶
尋墜鹿幻夢都非此所以拔劍高歌吐裏鬱律擲杯長嘯

老淚茱蘭與予與君星野秦楚雷陳漆膠滄茗泉邊翠濤
沁脾芾綦松下玉屑盈盃酷嗜顛書塗鴉聊爾枉臨治縣
馴雉無能悔落紅塵玉堂天上擬從赤腳木石山中未能
忘情居然異地池草生綠謝句重吟園橘塋黃賈林尚在
萊妻扶耒共飯胡麻驥子攤書定傳世籀弁髦人事戴濟
道真詎不旗翼延年星飛亢角鮎梨享筭仙侶喬松哉

贈萬別駕序

臧州別駕寶夫萬君有理謂字良剔蝨民咸鳧藻不梗于
恣信今之幹翮也而俞柎之術尤精鍼經脈瀉六微三品
皆析入豪芒故能變六一於金液改三七於銀丸與北斗

爭齡俾南人卷舌詎止三折肱九折臂而已余與之交最
久見其砥信而不憚仁麻情兼以律性豈世之妄謂徙柳
癰救茅鬼者所可同日語哉余嬰沈疴實夫爲錄肘後方
服之良驗何必安期神僂之散淳于解頤之刀始足除膏
肱乎於其別也謹書此以爲贈

送礪礪堂制軍師入都序

歲在庚辰之七月

仁宗睿皇帝升遐四海遏密我夫子以梁益總制馳

奏哭臨

梓宮得

旨允請蓋夫子受

先皇帝之殊遇欲扶服以申哀而

新天子則倚頤德元老欲藉入覲晝接咨詢以天下大計也惟時澍宅憂在陝旌節戾止隨衆樞謁起居畢作而曰夫子負天下重望旦夕入綸扉蒼生之幸若

聖上以坤維爲念俾仍制蜀者則民生利病不可不盡言也夫子則曰今握枋持衡者紙上空設誠不足與謀國家事余以外臺未總朝綱抑惟言其大者耳且亦必俟

聖上之有所顧問問及之則言所未及問者亦不能瀆陳也澍始聞之而疑退而思之則疑甚念我夫子負天下重

望者也而顧乃云云澍嘗讀孟子矣曰不以舜之所以事
堯事君不敬其君者也又曰謂其君不能者賊其君者也
使孟子而愚人也則言衡孟子而少知治體則夫子之言
違子輿氏之言矣今夫頰首風簷磨墨吮豪目凝簡策逐
款條對不敢佗及者博士勉貢之爲也若

天子大臣以天下爲心卽以天下爲任而曰必問及之而
後言則其問及之而亦不肯盡言也明矣且問及之而言
者猶是意慮之所及他人亦習言之未爲國計之痛鍼問
所不及而能暢言之以啓發

聖意乃爲民生之良藥也澍罕漫讀書未聞大道然忠義

之心生而自許伯吏數年不厭民風之濃深恨吏治之駸
不勝惘惘希夫子無患得失必盡言以抒忠款乃無負
皇上之咨謀也若入告我

后言無可采則又曰嘉謨嘉猷非外人之所知又且曰
聖朝無闕事奚用補袞澍恐天下之笑樊季齊也

上太翁懿德序

代鄂散亭大令

空桐之陽水源縈互土脈崇深徃徃有隱君子生其閒東
瀨王節信殷光匿曜不求聞達著潛夫論以見志其時皇
甫威明甚重之歷千餘載流風未沫又幸選我和字太翁
當其幼失恃怙煢煢孤露蓋一鮮民也矢志讀書深恥集

詬雪案螢牕靡閒寒暑鄉長者咸稱其有頭角卒以貧不
終業猶之韓康賣藥趙岐販餅生計是籌雅操無傷也夫
人遭際艱辛茹粗糲而衣須捷欣羨膠懷頓喪所守者比
比然也而太翁宅心太素介特無渝雖機杼之細杯水之
微不以需人簪項仲山渭濱投錢丁靖公菜果不食彼皆
苦節能貞儉德以永翁之所爲殆其似之方余奉檄來西
也與季子孝廉中漣交見其處已以繩接人以柑循循然
不敢偃規改錯嘆其有所階稟旣而深悉其梗槩則益爲
之歛遲迨上計京師道經朝那親挹光霽則神明曩哉
飄飄然有世外之意蓋太翁自四十後壤子繞膝蘭孫盈

階遂以家事付諸長君襄丰隴畝與二三親戚情話終朝
又或蠟屐尋山抱琴聽泉心與境清斯骨與神健所以壽
享大耋鶴姿瀟灑無復塵跼之態也而德配某太君亮志
相符靜好韻叶譬諸馬徽之潛鹿門輓車有賢婦運期之
遁吳國舉案有齊眉豈非舍和隱璞秉道全真者哉今者
神返遮須懿範斯在余辱良誼爰臚述其大凡以志景仰
愧無能爾揚萬一爾

送王鶴汀給諫歸里序

歲在道光之四年三月鶴汀給諫患目眚請假還籍養疴
得

旨聽許將以秋涼戒塗京師士大夫莫不喁息以君善於其職在工部鉤稽程髮更莫敢侵牟入諫垣封事數上動關國家大計生民利害不以毛舉細故爲能所彈劾者必當鄧不以掉磬沽直感蒙

聖旨俞行其言可謂不負所學也而忽以疾歸母乃用未盡其才才未充其用乎余觀士人束脩受書莫不欲異日有所樹立及至肩任則又首鼠陝榆罔能幹翮徃徃爲通亮之所姗笑卽或騰言責寒蟬自異而有胷無心不過攜拾枝言臚陳瞽說以塞觀聽有所糾繩亦惟閭里小夫嚙酒博市之事而巨猾大慙不敢以惠文相向其於民冀國

是相去不翅幾由旬也至使人以儒爲戲羣相詬病良可
吁已今給諫行矣曳杖柴門泔桓消搖看嶺山之雲則其
視富貴也有然翫渭川之竹則其厲節操也有然念我諸
故人日踏輭紅塵得毋向長安而笑乎聞尊甫琴齋先生
令光澤六年字良莼歲遺愛謳歌返里後周卹貧鰥排解
紛難激發灑薄敦崇風俗鄉邨化之天下號曰循吏今給
諫以直臣釋紱投榮紹乃風規吾知二三父老必偃僂而
攀履跡衣香也

潘曉山太翁八十壽序

粵閩扁善敲仁亥滋絳縣舍龢厓信丁復黃庭盡道族成

鳩棋盈鶴算溫恭集木顏晚松喬况佩服聖涯不意蘭性
屑輕榮祿銀手金心有不羸埤握精師親裨集矩州剪采
謁所福來者乎懿惟曉山太翁吾涼之魁儒也闕駟經術
劉昞史裁陰鏗詩篇張昶節槩兼以珪儀筠質矩步繩趨
蘭石自然蒲梢鮮偶兼資文莖上嫺然明博綜詩書直陵
長祚龍城大臬鹿塞先程鯁生之熱服也久矣方其髫年
超靄鱗歲騰芳怙失嚴君煢依叔祖相憐雁羽有似蜃登
畝少雙弓家徒四壁烹蠅韻登縣鶉掩肝而乃摩精粹掌
厲志題肩映雪閉帷聚螢握槩薈紅生夢鳳白吐賀薄采
其芹旋拔其萃聲飛鬢序譽溢儒林闕憤談經舉比授字

牟恭逢盛信無忝焉遂乃應

詔禮官充名書館披窺異籍校理秘文黃香入京無雙日
下芊陟爲友常詣車中爰以傭功遂膺議叙說者謂兒寬
卒史竟躋台鉉朱邑嗇夫得紆組綬先生將因此翔仕路
步亨衢展大才舒素學平時則炳如太翁方宰卽墨深知
將明招之匡襄代其勞勩凡絲鐵之訟雞粟之爭皆爲參
議及鹽米之估胥役之廩咸給如期恢恢如也然先生高
情邈亮雅性清貞土苴功名浮雲富貴每以賓王急流柱
史知臣微言相勸守意彌殷是其所見冀乎超哉於是汗
漫爲游絆羈無事蘇臺響屨檣里語兒秦岱秦碑焦山瀟

鼎罔不瀏覽以豁襟期乃復高車入晉季載尋處父磨
銘管涔覓劍狐譟許石狼孟品茶其興可不謂豪與夫林
邑之鳥終戀故山海旁之蠟不舍舊岸載返靈洲爰關燕
徑歲繼萼柳翁濫醕醪檢點蝨魚整齊表虎方調橐駝種
樹郭翻置標虞卿著書伯倫埋照矣無何諸侯擁轡長吏
奉琴謂夫罽婁之駒相須伐褐盤郢之劍鑄俟風胡先生
則鵠乎應聘鴈爾就徵梁丘生徒咸知孔法檀敷箸錄胥
守規條一片婆心三寸做舌腐遷盲左蝶魏米陳奮衷高
設把杯雄辯聽者忘倦聞之祛疑化如雨沙教似風草故
其攀桂枝游杏苑者比比也適以選授廣文優游濊縣鄭

虔騎馬孝孺泛舟拜將壇高封王后古興來獨往景從又
殷壇舍仍爾龍門在望瞻彼旱麓濯以瀟江多士心傾孰
敢盡大旣而歸與興動故里言旋舊友舟楫至親情話然
潛夫在巷屐倒將軍雲卿種園金來使者三講天梯流聞
地籟而猶勤追伯業專嗜叔文鑑影幢幢墨波沸沸先生
之年方八十矣長君后生考功心殷顧悌拜讀來書性慕
元方時恨遼滕陳章膏棧歸省循咳將與哲弟茂才以揆
覽辰爲高堂壽在咎寶公黃髮瀟帝問音照敬皓年魏皇
賜麒麟書之冊籍見葵來茲先生潛曜韜光葆眞養素雖未
得綃衣表襮幹翮飛揚而冲量淵深曠懷月朗雌黃不設

別白斯存玉汝銜恩鱗吾泯怨握中智燭皮裏陽秋蓋以
鎮厭浮凜轉移糝繆則子將月旦終涉關貶劉廣風裁從
歸訾詈矣茲者榆星散采梓里奉觴弟子莘莘兒孫緝緝
共祝句芒錫算雲襲兮裳黃銅築膺藥儲赤石而澍也豫
章佗吏質蠶無文欲頌穆行恐遺蠲德未能北面遙仰南
山荀況旗幟姜鼓綰綽彭鏗斟雉呂望釣魚聊藉吉辭以
介眉壽所恨小人有母未遐板輿平子無田何由扇枕先
生其矜憐烏鳥滿酌蒲桃矣乎

姚伯昂中允五十壽序

代潘石生考功

端蒙佗鄂之余月伯昂先生五十有慶凡在著籍願祝梨

靡而屬言於某伏念先生學染羣儒文掬五典校書

粹殿白虎能通授簡

珠庭青鸞善對中州典學杞梓成林三輔掄才瓊瑤受瑑

存紳仰其黽采

楓陛重乃賢聲無假觚生翹揚也夫堯枯之歎升沈之感
管賢不免難語高懷我先生冰情在抱所節不磷洞觀險
夸渾忘得失游心霄霓濡迹塵埃是眞皎皎練絲不受涅
緇者矣爾乃瑟居一室瀏覽千秋易闢茲滋書徵粵櫟汭
邠正雅贍髓稽詩旨左挑犂周官籥煖靡不眎螺于仇照
燭於胷時復拈囊作面造意融稭骨健驕駟樂生魚鳥山

水蘊藉樓閣駸駸獨笑欣然古人何讓亦或縣掇爲書仰
星效象釵頭屈玉鼎臣垂金百歲枯藤三霄舞鶴雖秋胡
隸聖曹喜筆精無以尚之而且嗜愛羣芳按逖照豔階翻
紅藥池泛碧蘂玉藥招仙金盤宴客春風滿座香氣入鄰
於是賤詩得句皓月當天字織龍梭珠掇驪頰自然沖妙
無事推敲豈非人境結廬致外飛穎者乎若其惠心拊物
調德成人羈客金分貧宗國指伯桃骨暎旌目心蘇仁理
義風自性始也加以提攜後進獎飾英奇款款之誠溢於
顏色陶陶之愛醇於酒醪久而益敲親乃不渫尤爲負膺
之所備者已蓋先生律性秣情樵人繩已用能庭爾肅睦

享續脩和姜被聯林陸魚共膳鳳毛浴日驥足箭雲而況
嘉藻雕龍雄文繡虎荷

先皇之特達被今

上之殊榮方將綱紀彝倫甄甸品類敷文章爲經濟化凜
薄於太和則此日之中盾趨公乃鼎鉉之嚆矢樂天玩易
又旗翼之權輿也曷爲序

劉幹亭太翁壽序

聞之繩已柅人德惟壇宇土仁疇信年必旗幟蓋臚坪握
精是樞皓本集木爲橐乃臻凍梨是以首山之翁定飛鼎
宿淮陽之老應笑商顏也繫我幹亭太翁者閩海之振奇

人也當其下帷縹緗映雪鉛槧殖醢六經笙簫百氏按異
謨觴采遺衍濟便便之腹不愧孝先嶷嶷之頭咸指公彥
矣抑且青鏤持管白鳳吐胸不效子雲雕蟲詞賤弗學敲
札画虎文章宜其爨下雅琴中郎改聽柯亭長篴子野能
知而乃勇賈石投弦控鵠失製佗淹雅士衡不慚科名聯
翩方千竟阨鴻亮之士每用憮然於是榮名屢脫餘事籌
持算法四維數精六沓懋乃遷化操斯奇贏衛賜億中卜
式心計所以篋溢麟趾櫝積蠹圉也在晉韓康明易藥肆
韜真薛公習詩樂家隱曜翁之舍士而商庶幾似之然使
財如猗頓行遜曇恭雖享旄期何異嬰折翁則不慕時榮

蹤希臺尚克敲行誼跡抗顏曾折枝承歡洗臉侍疾園生
孝荀庭集慈烏人無閒言世有至性友于兄弟殆比君陳
宜爾子孫堪誦風什已今夫眠姪之人競貪羽毛墨屎之
子亦愛鎔銖防瓜布荆買李鑽核何能恩周蒙袂惠逮翳
桑此窮鳥無依元叔佗賸飢磨不噬孝標傷懷與翁則慨
悵指困纏絲解衣爰旌心蘇伯桃骨煥瞻言鄙闇恃爲輓
圭彼傾身障簾祖約何愚斃燭散籌王戎太陋烏能方斯
古誼竝乃高情乎茲者節踰亞歲律轉初陽牽牛紀星駿
狼駐日適逢覽揆敢祝禔釐式觀枕藉長生杯稱延壽砂
蜚葛井菊采酈泉思遠服勞頭生罔角庭式絕粒眼有紫

光徒涉形容羌無故實卽爭年黃帝尚欲爲兄比智彭鏐
不肯佗弟莫算甲子張果能仙不知春秋寧封雖老未爲
實錄徒恣誕言曷若葛石門風采爲庭諧太丘家法肅似
朝儀有子絲牽不忘鯉對循良孔奮界崑姑臧惠愛王尊
地名安定綰銅之客影纓之倫綰綽虞旛臺萊致頌哉遙
憶雲璈隊裏畫錦堂前露浥三危蕤開四照太翁神明奕
奕矍鑠欣欣氣海常溫壯容不變弗須鳩杖散遯鳳綸諸
子希韞羣孫脰鞠詩成可樂曲倡無愁籌添海屋福媿師
親願進僕文以當粦祝

緜州范金泉刺史六十壽序

粵聞扁鵲葆真精神自玉含酥養素歲月能絲蓋世際昇平定產零首道脩五內必享期頤況熙亮

帝圖聲名如日彌諧邦教萌庶歌風有不羸坪握精迓師親之舅福矩州塲采邀角亢之光眴者乎懿惟金泉先生吾秦之鉅人也嶸岳三峯河流九曲厯情律性準行繩言天球自然地寶鮮偶秉星衡之偉狀標日角之奇儀汾水翁歸兼資文苑平原曼倩博綜詩書與士季譚懋服公卿之量爲林宗識甄許王佐之才在管士燮英聰能喻大夫所對仲淹翔實早以天下爲任先生蓋異世而同揆矣方其奉檄蓉城牽絲筍里貪泉卻飲幹翮能飛竊慕何祗張

鑑決臯思匹吳隱絮被畱寶無脂膏自潤之懷久清玉潔
有陶冶人物之志箴牘鐸巡旣而大府廉其藻厲同寮備
乃衡平遂典專城頻司劇縣矧宗戢化絮掾畏威履田雉
馴感露蛇劇判衫則婺婦大節間髻則臧獲輸詞璽笏引
舟期紆罔力削木成牘克察神奸是誠蜀國之文翁無愧
聖朝之循吏也時則盤瓠吠雪蟲尤吹沙烽迷莢井妖阻
夔谿伏波樓船掩江蔽濊度遼甲卒充野彌遼羽書雖滯
於星郵糗糧常峙於月峽分其才菑昆了千人時甚倥傯
有如一目夸吾之目隰朋代明丞相之肩耿豪畏仗所以
奏畱益部節相屢上剡章茂晉雄階

楓宸遞沛恩旨與夫康虛之士智不範身幟福者流才難
周世徙營狻猊靡益愚眚陝榆功渺橫草何能手鶉
以恍斲竟至肺石之塵封先生條貫治謨邳張大矩叱御
邛坂澄革榻蘗綰綬梁山蔭成棠芾而且圯橋進履預見
陰符竹林逢蛻深通劍術伸雩文學躍馬執戈葛洪儒生
投書賊草檄喻蜀仍嚴佩犢以帶牛聽訟蒞巴軫念除
莠而拔薤楚獄無濫卜袁氏之祚延長社不驚信文遠之
才大說者謂魯恭度識應入司空卓茂賢良宜登太傅固
可焦荆以卜刻漏爲期今茲龍集游兆鳳報壽祺酒香鄒
簡萼開旌節鹿軒沛雨性禾長春熊軾宣風智珠遠照鱗

吾泯怨於寮案王汝銜恩於茅檐斗桃獻綬山葛由探筍
吉良來老澤君平布錢凡夫白鳳才人碧雞主簿莫不以
算添東父銘著千年雄樹彭鏗齡延八百矧某等誼深梓
里心仰芳規蠶績作歌馨醴侑爵慕姜散之綰綽效荀況
之旗幢徵巴渝之洞絃薦答勗之文錦共祝句芒錫勗予
裳乘三素之雲無須黃銅築廨赤石儲八齋之藥

勅封和太安人六十有五壽序

龍集昭陽協洽之歲月有巳且恭逢

勅封和太安人設悅良辰梓里歐友咸裁禽暈以祝眉梨
而乞言於余竊念經籍所載如画戟之家金釭之族纔能

識字卽譽銘椒偶爾操刀便號割玉蹤齊鍾郝德邁班梁
咸屬卮言無當彤管卽使年臻大耋算到期願不過蟋蟀
春秋猶畏泥塗甲子若我和太安人者乃晉贈承德郎磐
石翁之令妻而翰林編脩鏡唐君之賢母也毀齒柔嘉勝
衣淑晷組紉時勤脯粢善譏織盤中素采陌上桑腹義嬰
仁敬詩說禮足以儀型閭閻無慚女宗矣迨至于歸磐石
翁也不厭荆釵不嫌藜藿瑟居甕牖魚見塵甑終日辟纊
影隨田仲長年并白案舉梁鴻黃蘗林高卷施葉葵豈非
安于義命孱守倬然者平時則祖姑張太孺人七十之年
久卧牀蓐室如磬縣使乏僮約俞拊寡術巫咸罔功太安

人昕夕抱持不生泄瀉溫被扇枕奉盥調羹鼎鑪之藥汰
而跪煎衷釋之衣滌而薰進每當嚴冬凜烈朔風割面十
指如錐久紋偕裂蓋數十年如一日也而姑尤太安人性
既嚴毅曲體得歡兼以沈脰彌勤奉侍時而折枝時而奉
菹伺其寒暑以吉衣裳察其渴饑以馨羞膳管諸葛貞潔
記乃勤渠古朴孝慈臚其恭順以今揆古庶其似之是時
磬石翁戍守西域歷有年所沙驚榆磧月苦輪臺秋雁不
來魚書莫寄空闌岑寂悽感良多繼又牧馬鄯善荒草粘
天青海駒嘶黃河楂斲蘗山疊夢想爲勞嗣以石峯之
役磬石翁又從征焉旌飛似雨箭叫如鷗骷髏嘒月燐火

吹風鎗瘢滿身輦聲沸耳艱難百戰無尺寸功李廣數奇
豈非命耶太安人乃指荷佐漁鳴機課子熊丸咽苦荻字
生寒雞窻無言魚鱗少皜悲涼身世策厲功名天如可梯
不以蹇委編修君俛從慈訓奮發勃焉未夜囊螢將黽緝
柳凡星桃月帛山志瀆經靡不熟爛於胷指陳於掌由是
發爲文詞驚其廣座試輒冠匱選乃拔萃秋霄鶚厲春宴
鶯鳴

帝曰俞哉宜列侍從校書

粹殿褰帶爐煙修史蘭臺杖吹藜火便蕃

召見家世丞詢

天顏甚霽臣夢難逢

簡舁掄才東魯曳旆海無遺珠林無剩幹可以知天相勗
錄神佑艱辛用能耳目聰明精力堅固

褒封渥受弗祿綬康歟今也令到恢台呼茶育物編修君
以寸草之心春暉莫報尺波之滯焦沃難添欲臚錫德以
介霞觴余則以爲伊古良媛總嫺內則事姑而孝相夫而
順勤以嚮子克成其名斯爲貴矣他又何云回憶蓬首無
膏棘心莫慰霜侵馬磨雪灑牛衣慘澹炊煙潭沱瓢水然
後信擲火萬里流鈴八衝福之所歸人所共羨也某也不
文屬在葭莩敢撫浮辭以湮苦節謹述穆行以當稱觥庶

使勤績敬姜名巫金石截髮誕母德被管絃云爾

宮保中堂制府蔣臚堂先生六十壽序

代鮑覺生宮詹

國家當重熙累洽民物殷殷之時必有生崧之彥挺爲楨幹植鱗之佐和伯鹽梅爲之燮元氣導

皇風簡孚

帝心渥受

寵錫蔚成上下之一德蒸爲朝野之太平用能弗祿純嘏壽考洪延有難老之令妻共魯侯而燕喜今乃於相國臚堂先生見之先生弱冠負奇質掇巍科翔步木天讀書中秘名章副於鳳閣鉅製播乎雞林洎登諫垣多所陳列金

法嬋於風后玉律準之鄼侯屢司文衡載詠瓊隰女嬃之
英羸秦之駿中州之杞梓古粵之樓桂罔不按攬時稱無
遺良焉

仁宗睿皇帝灼知其可大用也畀任江西贛南道尋升按
察遷雲南布政旋撫二浙總督兩廣四川

今天子契知最深毗倚尤重移節畿輔晉階綸扉命協辦
大學士仍視直隸總制事沙隄日麗露冕風清於時爲道
光五載先生之年方六十矣凡邊隅觚生寢海宿望莫不
懃服先生之文章震悚先生之勲業無異忝卒之知司馬
遐域之仰富公而某等或同歌鹿鳴或偕詠霓唱則先生

養素堂文集

卷六

三

所以升大猷享遐福者其操之有本而致之有繇也夫姬周弊吏以廉爲先典午察官惟清是尚先生之蒞治也嚴絕篋筐斥遠苞苴廩馬常齋官燭不燕茹無媵妾何須夏侯之簾坐謝管絃奚取文饒之鐵而以關稅之盈餘補窮吏之虧缺郤銅員之進納愍遠道之倥傯飲漸水以明心看西山而拄笏馬援車內無南海之珠犀兼瓊筍中少西蜀之文綺此其操履之介潔也然使苦節自貞固恤涸鮒則飢癯有困餓之呼伯桃有廩寒之泣可言耿守難語宏仁先生則篤敲故舊聯屬支親頒解左驂屢指困粟憐其貧也資之以澆浙之資愛其才也飲之以編緝之費骨而

因之枯趾能言羽而毛之墮翮斯翫雖束絹有所自來而
麥舟在所不恡此其宅心之慈惠也若其邳張大矩條貫
治謨容乃休休明不察察不革陋規俾下吏克全不奏私
書俾恐人知媿鼓不鳴而丸消銅不銔而賤臣安孫恩反
側之黨翦徵側滋蔓之從魚通之烽燧久銷瓦斯之夾壩
不放時和歲稔民歸千里之畿講讓型仁愛深三年之教
此其政治之脩明也而又知人則哲悅士如飢用當其材
人不求備藥籠所貯咸赤箭與青芝夾袋所收悉錦帽而
繡幌拔國淵於末寮識州泰於冗職被薦者罔知主名受
恩者不謝私室桃李之於荆棘趙宣以喻陽虎陸昫之於

瑤琨伯昏以訓國僑鑒別卽精簫勺自協此其愛賢之真
誠也夫有廣大和平之識乃大麗幬顯鑠之功有堅固博
厚之德乃臻扁善缸信之年所以德配馬夫人以淑女而
述君子以媾星而配上公封膺申國之尊誕毓象賢之嗣
齊睂而蘭茝多馥偕老則山河是宜況先生德劬而學益
醇佐高而意彌下守繪三之三語得顓畫之大端是眞
聖朝之圭臬絳縣之朋儼也從此算延東父希有題銘雉
掛彭蠡元无契理則名公之平格阿衡之耆耆不匡多矣
某等不文謹臚其質彼丹蘭瓊霽應眞八百白蓮碧薤鴻
朗三千從涉形容羌無故實卽唐帝八眉古彊知數周王

雙足孟岐親承螭頭支牀黃安三見鶴爪面字蘇沈千秋
亦屬讐言奚當真誥曷若繹姜鼂之綰綽句芒錫齡誦荀
況之旗幟性禾抽穎庶幾雲璈隊裏畫錦堂前可以侑霞
觴申壽祝矣乎是爲序

宮保中堂制府臚堂夫子暨師母馬氏一品夫人六
十雙壽序

粵閩伋極者祿必豐朝廷所以茂酬庸之典名章者壽必
曼造物所以宏錫福之權良由德副乎才調梅奏能於燮
鼎功豐於望隆棟拔跡於飛蓬用能甲啓黃庭亥滋絳縣
道成鳩而稭盈鶴算恭集木而顏晚松喬也猗惟我相國

老夫子大人律性秣情壇言坊行操必得之券握自然之符探無極之厚恢有容之度而復齊眉相敬以偕老結髮
亼吉而儷光是眞

熙朝之个臣生崧申伯無愧天下之大老平格召公矣方
其髫齡擢穎觴歲騰芳鶚薦陵霄雁題在塏日五色而成
賸枝萬年以詠詩校秘閣之奇書簞玉堂之舊事流輩咸
斂手焉洎登諫垣屢抒讜議神丰一肉威鳳先鳴鱗鱗鄙
憲之風鄂鄂周舍之氣遠猷辰告可著爲科密勿指陳隨
焚其草載荷

恩誥迭司文柄麻朝過皐白蟻綺雲區冶吹鑪青萍吐月

凡豫秦之俊黔粵之英莫不稟神墨而趨程聽乳鍾而發
聑

仁宗睿皇帝鑒其器識鑒乃公忠擢爲江西贛南道輶車
所至甘雨自飛祛宿弊以掃氛頒治法如流水省枵楊而
空貫索民則無營實倉庫而補漏卮吏斯不蟻旋調廣東
惠潮道風聲所樹鳧藻靡涯驛突入戰鳴梟革響茨充之
牧邊徼野被桑麻度尚之綏遐陬卹息枹鼓尋升江西按
察使心秤稱物肺石消冤祥徵穆滿之書典循高密之約
盈山惻尔唐林之愍赤衣執燭泣然盛吉之秉丹筆照有
碑而在口臣如水以爲心於是雲南布政使之

授藩條仁示槃木興歌金法初行厥銅匡額士舍右軔而
宗尼父夸變左言而化兜離激濁揚清穉淨鴉隴之溷彰
善蘭惡鏡銜雞足之峯於是有浙江巡撫之

命諸司葉拱石畫咸遵百姓鵬騰草纓自耻夜作禁而火
息暴征戢而商安水滿西湖不以擘箋而厭事薈開俶塔
亦或蠟屐以頤情越紐之風俗還淳句章之山川重秀維
時孫恩雖殪徐道之黨猶存微側就禽盧循之徒未盡

先皇重安州之寄遂任爲兩廣總督焉嚴海禁而盜糧絕
清尺籍而游手歸馬流多褻簪之人朝迎雙鹿龍編無化
虎之吏穀銜五羊剽舊俗於蠶蠱蛇妖桃林芟草而犢叱

柔遠人於紅毛碧眼蠻貊波以牖來羣水不飛信如是
已在徭蜀抗坤維民饒嫫劃木多叢父鄂潛銅弩以吹虺
雪窟峙邛籠倚石樓而突豕笮橋之馬跡如織皮艇之鵝
冠爭呼自夫子之移節也錦江波貼玉壘塵空匹部魚頭
不戴鐵盔馬湖蛇尾罔鉤孺嬰寶獻賤而蠻輸幪酒誓龍
而矢摧虎遂乃修文翁之石室飾杜甫之草亭費蔭市槐
比杏林於魯國士薄僮約做客嘲於子雲城闕之閒不聞
叟達斐鞦以外自化狂獐蓋有韋皋之恢宏而兼章仇之
謹飭者矣今

天子踐阼召爲刑部尚書敬式蘇公繼咎繇而明允和寬

定國如雋氏之平反俄以畿輔浩穰

授爲直隸總督聃宗戢化絮掾畏威旂先納租里皆安堵
河鬢流而匏葉海轉粟於雲帆政通人和胥吏閒而結耗
年豐歲稔太人占而夢魚

聖上念敷歷之勞簡綸扉之畀命協辦大學士仍視總制
事廬牟在握湧喜無儔

皇猷因之黼黻品類藉以陶甄卜袁氏之祚延三公奕世
信文遠之謀大千里傾風今夫陳椽者流才難周世暝姝
之子智不範身或諂卑瑣從譏刺促卽乏手鶉之髽斷何
能腸鐵以剛中因窺我夫子學以靜爲根意以誠爲主經

權並用寬猛兼施亦鉤距而得情銛筭在側不紛擾以成
務藻鑑凌虛蓋信本於誠信則符之表也仁原於靜仁則
壽之徵也茲者羽觴良辰爲幕府縣弧之會幔亭吉日值
中闈設帨之期佳日春秋滿林簪笏有鳳有凰擊節而聽
簫音如山如河委蛇而宜象服三霄湛露視瓊液而猶濃
一品仙衣共采霞而比燦三心五噉丙丁之極耀相暉二
首六身甲子之朔籌增衍智珠遠照玉汝衛恩於閭閻性
禾長春鱸吾謚憾於寮案固不必侈言彰鏗之斟雉沈義
之跨麟已矧某等夙沐恩澤敢忘萬規慚籠內之蓼苓厠
門前之桃李會聞保艾蠶萊自異於薤藂尚見姜葭綰綽

虔嬾於梨凍陋熊經與鳧浴杖屨何愚媿佛臘與仙塵旌
期不倦共看予茫賜算青鸞翔三素之雲無須黃銅築膚
赤石儲八齋之藥謹爲序

誥封光祿大夫少司空顧雲岩先生暨德配誥封一

品何夫人六十雙壽序

蓋聞厥情律性道必族於成鳩腹義嬰仁齡斯延於斟雉
況乎鹽梅

帝載僚案趨風補散

皇猷聲名曜日陋鹿車之偕輓對鴻案之齊眉宜其亢夙
含光句芒錫策於三素方昉擬轡留瓊列籍於九靈也猗

惟雲岩先生晉國之魁儒也霍岳高峯汾河巨浪接人紅
屋約已繩堅信珙球之自然實觚觚之鮮偶垂髫超靄佩
觴騰芳鶚厲翮於秋霄杏嚮導於春宴木天翔步窺嵬媚
之古圖粹殿校書識表众之奇字雅望孚於

淵鑑考官昇以江蘇珊網芴按玉尺平度青萍躍匣而吐
齔白蟻振鬣以歛沙

聖意嚙溫士論鼓譟則有贊善中允之遷動有楷模咸服
膺於裴瓚言多補益預

顧問於景山則有侍講之授上丹扆之箴文清而旨遠諳
青史之箴度粹而容調則有左右庶子之轉不尚春夢擷

家丞之秋實亦欣鱗躍忘樞密之雞棲乃任國子祭酒焉
醉六經之芳芬文學領褒稽十鼓之原委儒林丈人作諸
生規能容虎臣之諫受孔子戒不拜鸞嶺之師遂升詹事
府少詹事卽授內閣學士時則太翁精神矍鑠比鉅里之
伏波太夫人福履綏康如幔亭之魏姥我先生馨蘭侍膳
潔菹承歡斑采孺唬而學萊雞鳴寢側而問豎椿蘭日麗
香薦潞澱之魚護室風餘篋陳蒲桃之錦矧有陰慶之兄
喜爲李孟之弟夜共姜被晨偕孔殯詠鄂耐之棣萼盼接
葉之荆樹解千金之劍何論田租製四時之衣迨及脂燭
此真難逢之盛事罕覩之休徵已當其爲工部侍郎也慎

憺水衡深知地防上季彥之興圖藏於秘府嫻文元之識
記績在共工其爲吏部侍郎也品藻清濁權衡重輕人無
滯才王幼冲之簡要門無別竇盧子若之廉平其爲兵部
侍郎也金法受風馬政觀火四方無債師干城寄鄣振之
賢八屯有精兵祿糈散虞峻之惠至於總裁之任學政之
官皆簡拔乎人才供馳驅於皇路清而不矯公則生明饒
公山之太木櫟槩無餘章貢水之明珠網羅咸得魯蘇軾
失李定詩以志慚而陸贄得韓愈榜乃無敵先生之執事
有恪斯

朝廷之嚮用方隆乃有都察院左都御史之擢而以察典

養素堂文集

卷六

三

仍守司空翔實首公集謚厲志兼管圖法磨鎔之弊蠲不
通情賕緡錢之用給豈非

熙朝之柱石士苑之鳳麟乎而德配何夫人淑齊其身柔
嘉維則恩周臧獲惠洽宗鄰服阿錫之盛稱罔注女訓飽
羅閣之澹粥時問庖廚可謂貴而能勤仁必得壽矣茲者
序屆伺蠶辰逢放鵠拊蠅徽以誼韻鶴自雙飛憑烏几而
裁箋萼方四照某等深欽懿懃敢贅讐言持荏公圭璧之
觴繹荀卿旗幟之說愧乏佞議莫稱木公金母之仙緣聊
抒葵傾庶當芸館蘭臺之實錄云爾

養素堂文集卷七

老威張 澍介侯

記一

汪寫園明府初建雙流蠶叢祠記

耆儒多溝猶諛之竹郎三節沙壺九隆則色然駭儻告以
望獲頤羸岳鏗糲首益贖贖然矢言其必妄烏謚夫草榮
木替歲有萬齡役風襲氣紀爲九頭者式觀人皇御世蠶
叢氏治疆上縱目縣林爲魚鳧柏漣之先蠶事於此始或
謂黃帝軒裳嫫祖造端未核也西陵勸蠶稼親蠶肇興淮
南王蠶經可按非苑窳之說矣齊永明初蕭鑑刺益州治

園江南遷石冢得金蠶十餘萬有篆曰蠶叢氏之墓詎不信與諸葛相季漢掘其啓國之碑有文言歲時豐儉兵革水火事後范長生能譯之是其神靈讐奕舄衣被普蒸萌漚鬱焉胥蠶焉誰曰非禮顧其禩久劉庠頽未立得無食其惠而忘其報耶汪君撫邑之四稔字良芟蝨民氣大蘇乃揆日兆地建祠朝陽寺之東負山枕谿風煙秀麗矧工於癸酉且月至辜月釁鐘焉殿宇拱張廡翼直弗徵岷貲弗費眾力嗟乎夙沙煮海享重鹽宗侯罔製文禮虔墨客明府絜不繭絲深惟壤壤之利政先杼柚滌乃儻儻之原千載曠典一朝精禋可謂練治體矣異日耆盤古祠前

八熟獻瑞阿育塏畔五色蜚蛾是真青衣之靈貺無負白粥之泛膏也爰爲之記以詔來茲

重脩大臣縣瀼相樓記

瀼相者誰諸葛忠孝侯也侯之功在相瀼故不曰蜀而曰瀼也余不解世之何以輕詆之也謂身杖彊兵狼顧虎視者李邕也謂抗衡上國如宋襄求霸者常璩也謂守窮僭號與趙佗爲偶者崔浩也謂應變將畧非所長者陳壽也謂才薄不宏者薛能也謂才有餘而識不足者呂溫也謂不忠于瀼比諸劉盆子者俞文豹也謂偏據一方如公孫述者葉龍泉也謂學雜申韓不純王道者朱熹也然當日

養素堂文集

卷七

二

謂賞罰得宜賢愚僉忘其身者張裔也謂與眾無忌錄功
忘瑕者呂凱也謂爲天下奇才者司馬懿也謂善爲國者
賈詡也謂爲古之遺愛如周之召公者袁宏也謂能用刑
自秦漢以來未有而信義過于周瑜魯肅者習鑿齒也謂
如子產之治鄭優于司馬懿者張儼也謂宏謨雅規與伊
呂同儔者張輔也謂權智英畧有踰管晏者郭沖也謂達
治知變正而有謀者傅孚也謂其訓厲合周孔之教者李
麟也謂禮樂可興者王通也謂精義入神自誠而明者裴
度也然而侯之自許則管仲樂毅也崔州平徐元直亦以
爲信然也是乃侯之謙志也而李麟則以爲優于管仲而

不及樂毅則不得謂之知言也今余之省其貌而祀饗者
震其才尤敬其忠也時則嘉慶之二十三年八月也作記
者誰署邑令老威張澍也

謁王陽明先生祠記

澍嘗誦先生何陋軒記之言矣曰愛憎面背變亂白黝浚
姦窮黠外良而中螫諸夏蓋不免焉雖彬彬其容朱甫魯
掖折旋矩矱猶之陋也夸之人迺不能此其好言惡詈直
情率遂則有矣世徒以文詞物采之渺而陋之殊不然也
嗟夫先生之論不獨洞物情直示人以樸令各返其渾穆
之天而狡慝誦詐之不作庶典章禮樂宮室軒裳可埒之

以行不然是無軌輓之車也又以夸之崇巫事鬼瀆禮任情不中不節期望於來者之移風易俗是直以天下無不可化之人以夸之昭質未虧因其機而利導之則爲功易而爲效亦速何今數百季閒醕風潛煽醇源浸竭變戛若此其甚豈降衷之不恒乎夫固有以教之也誠使爲司牧者倣古歛射讀灋而教之以父子兄弟夫婦朋友之經以戢其椎魯鬻悍睚眦之習俾各安於刀耕火耨無飢渴死傷之嗟因示之以典章禮樂宮室軒裳之樂漸改其椎髻卉服鳩音獸息之敝夸雖蚩蚩吾知其從之也如冬日之陽夏日之陰不召而赴也乃有司者罔知幅利競爲貪黷

且以夸之蚩蚩也而誅求之過甚夸之人以爲是不足父
母我也規避之心浸假而爲侮慢侮慢之心浸假而爲狡
詭竝其本然樸塞之陋而亦失之是士大夫無廉耻而望
天下有風俗不可得已今者顧瞻廟貌道範斯在念先生
尚不敢任化理之責余小子痛俗之不競教化闕如用是
奮用是懇矣

重修狄道楊忠愍公祠記

夫洪濤稽天而金石不轉繁霜被野而松柏獨榮豈非質
厚者難遷而節堅者不改與師尚父曰忠臣無二心鬻熊
曰君子能必忠而不能必入趙孟曰臨患不忘國忠也肥

義曰難至而節見忠臣也盡獻可替否夙夜在公殺身成
仁不畏彊禦芳徽歷久聞者興焉當明之世廟淵默修元
委政端揆逆嵩父子盜執太阿俶擾國是威福專擅紀綱
滌蕩戎馬在郊聲名之士零靡之臣咸泯湮依違承頤氣
使宗社之事有同秦越頌莽稱曹惟恐在後先生義憤雲
涌首擊大憝聲討十罪擿發五姦俾阿順雷開專利榮有
顯然白著摩得隱匿詎非烈丈夫哉然先生特一部郎耳
任匪鈞衡職匪諫諍責賊無援信任無素屬在疏邊抱國
隱憂白簡生霜神叢基固勢之不敵概可知已先生一無
顧慮上叫天闢糾正奸邪議論鯁切不求名譽不避仇怨

抑何壯與夫驚弓之翼聞弦震顛脫餌之鱗觸藻潛伏翻
然之計繫誰不知當仇鸞憑權馬市主議萬口皆喑縮項
頻首先生力排羣說昌言不可致令焦然瀕死五木竅逐
荒遐流離辛苦歲月遞嬗始還郎署脫令他人處此必且
全軀保位與時浮沈前轍鑒戒後患豈懲毀方瓦合棄蓼
集菀甚則感荷私恩以圖報復國計安危罔養弗問先生
瘡痍未復正色敢言借劍批鱗攻其難去忘家殉國視死
如歸吁可悲已設使先生稍就委蛇通顯立致卽括囊屏
息循職自守亦可坐貌榮名無傷詭隨而乃疾惡如風比
於鷹鷂白刃可蹈丹心如見方之比于剖竅甚引化血斯

爲酷矣可不謂忠乎吾聞墨陽百鍊不挫鋒芒荆玉七燒
彌著瑩潤先生夙邁閔凶艱難備嘗性真不滑視險如騫
加以讀書摩理實求經濟故能諳熟邊情燭照奸慝從容
就義非同意氣也狄道舊爲先生謫所而超然書院之講
學之地也舊有祠祀率遠淪灝邑人重修爰摭鄙文以志
景仰系之銘曰

謂公賈狂曾臥冰霜謂公懷刑乃撼雷霆擊斯黃鐘堂上
大舜賸彼白雲泰岱千仞椒山有膽何必蚺蛇青衣奉丸
竟起杖痾我思先生涕淚沆蘭道統祠畔風悲日寒

代重修楊忠愍公祠並新設義學碑記

保陽省垣之有旌忠祠舊矣乾隆三十五年周燮堂制府
爲方伯時重修之營太房室賃租作費建設碑亭栽植樹
木而又朔望謁香以昭虔祀誠盛舉也余莅任後見其積
退急謀脩飾同寮助金襄事設義學於其中以培人才惟
公鬱抱孤忠馬市議開力排羣說瀕死五木竅逐遐荒纔
返郎署首擊大憝五姦十罪借劍批鱗卒遭不幸嗚呼慘
已當其在狄道時流離造次猶太超然書院與士子講藝
人文以興今於公之祠太義學亦所以體公之志也梓垣
告竣爰述緣起箸之石以垂焉奕茲附規條於後

吳城葉氏忠義節烈祠記

代陸心蘭方伯

問乾坤何以不壞曰有正氣幹之間藝倫何以常存曰有正氣維之莫或幹之莫或維之則乾坤其息藝倫其斃然而忠臣義士烈女節婦常相續於宇宙史不絕書則以正氣流行舍英淳耀震恒精靈輪囷勃發有莫知其所以然者也吳城葉君立笙爲余已未禮闈同年令滇之定遠有循聲投簪返里其弟孝廉之筠需次直隸邑宰君遠道寓書以家刻忠義節烈誌見示且句爲桐燭之文余終讀之竊嘆葉氏之忠義節烈爲不可及而益信正氣之効薄鬱積久而必伸也當峯宗時盤游佚樂國事机捭宸濠蓄謀覬覦神器一時厚祿大臣黨逆潛通規冀非分罔養無恥

而景思以編戶之氓無捍圉之職特以俠烈箸聞長於彈擊乃羅致之不可脅降之不屈填尸牢狴論者痛之旣而連檣東下泊譚家灣其弟景允率三百人伏隘奮擊所殺過當濠軍大亂卒以勢孤被矢而死其族血戰益力三十六人胥就殲焉濠憤甚遣黨焚劫其家婦人或焚或縊舍命不渝九姑弱女子耳亦能達變震軀塘水死者共四十人嗚乎慘已時都御史王公守仁旣以一家忠義旌其廬距今三百餘年歲在嘉慶之己巳寶應劉君台斗攝吳城丞亦余同季也按討遺事請於大吏爲之建祠有司歲時爰薦明禋可謂盛舉矣方景恩之被招不辱也蓋灼知

夫君臣之大義必不可以從賊而不惜以身殉若景允等之結族潛攻亦祇知雪憤報讎初不慮及被毆之酷烈而諸婦女之毅然就死旣知夫君之屠戮亦復何心人世故相率駢屍於一堂此豈有沽名市譽之心存於其間哉儻使百世而下堦豕淪禡尋訪父老姓氏莫詳吾知英魂毅魄必不隨荒煙蔓草以俱堙而卒之幽光白著大節歲歲奕舄肸鬯放悲靈來豈非正氣之不可磨滅歷久而彌昭乎吾聞干將埋獄光射斗牛隨珠沈淵采飛嵒岸然則葉氏之一門赴義力捍凶暴視死如歸計不反顧其正氣之所萃聚與宜其今之科第蟬嫣簪纓相繼寢昌寢熾而未

有艾也於是乎書

代重修名臣祠碑記

大凡日星光氣河岳英靈淳耀積精輪囷盤礴則必篤生
偉人榮當時而昭後世况秦中土厚水深風樸俗茂往喆
先賢溢於縹緲者或豐功駿烈柱石朝廷或調德穆行矜
式閭鄙其尸而祝之社而稷之也固宜卽簪仕是邦或龔
暴宇良澤能蘇槁或徇名遂志節臣砥頑詎不當漚而鬱
之肸而饗之乎咸寧縣治舊有名臣祠建置始末蓋自勝
朝

國初某學使重爲葺理至今歲月塵邈敗瓦積垣僅餘梁

棟邑薦紳等體然傷之以志書局贏金僉議修之費不巨則晁氏凝福仞之越數月而工竣猗禕哉殿宇登閣廊廡整飾丹雘絢如門徑闊如信足以妥神靈而致禋祀矣且各木主旣書其諱字復詳其籍貫俾入祠者畧知榱桷翹首聳肅敬之容撫心奮思齊之志豈非盛舉哉余承乏守西安目覩其成深嘉與諸君子之好善而不能釋也於是記之以示久遠其修理紳士例得附綴於末

游東山記

出玉屏東門循山麓而行石磴盤曲路才容軌牛叩馬擗視此郁夸方里許延緣於田畔時新雨初霽畦水漲汎秧

苗抽鍼平綠如巖穀犬亂吠殊足喜人再進則一徑雲深
層松攢柏列若夾道叢柯隱景交蔭修篁清籟鳴條山壑
奮響雅可游目憑衿悟衷散賞山之右爲寺正殿倚巖結
構雖未宏麗而真容巨壯亦稱雄剎兩廂有樓可眺遠下
則游人憩息之所秀窅小徑蒔菰雜花有泮繡毬二株爛
如雲錦薄午鬱蒸予倦甚沈睡多時起呼醕則醕陽已栖
岫矣出山門振輶延風神志爲豁牛下遠邨炊煙在樹歸
飛之鳥千翼競來俯瞰大江回縈如帶視往來征帆不啻
鳬雁也

重游東山記

今夏三月杪余曾策杖來游茲以巡稼之隙復問塗焉時
金風初扇而餘暑猶勺藥乃於林際跌坐散髮跣屣松濤
竹響清若竽笙舉頭一笑宛暘都消俄王尉聞予游亦來
相與踞盤陀翫霍靡聽鳴禽之上下俯視遠水空明皓同
積雪印瞻白雲翹然天外容裔自如而蓮峯北聳疊椒重
巘刻露清秀恍覺舊游無幾而風景頓殊猶然塵鞅儼山
靈騰笑我也乃朗唸曰青林倦鳥語縣蠻似說白雲返故
山日月幾何風景換鏡中疑我尚朱顏蓋予是時有退志
矣遂循壙逕至寺後見碩木森井圍繞沈池澂濶鏡澈浮
萍含綠微颿亾拂漪漣生文蓄金魚二三百尾曦景斜注

則相聚响風瘳爲戲又或衝藻徑去游閒遠放若避世上
然低徊者久之乃與王尉聯騎歸回視慘慘如攢圖之托
霄上矣

游紫氣山記

昔柳柳州之記遊也曰與曰曠竊謂此兩言者不獨缺山
之景兼得山之理焉黔固山國也而玉屏之西境隴黎平
與粵爲鄰連峯複嶺彌望不絕然或則魁父無丈之材或
則單椒無曲之巒求所謂與如曠如者不可多得今夏伏
日埃鬱衙齋嘲潔赫曦逼人王尉露謂城西隅紫氣山雅
宜游暑遂觸熱往未半里見陂陀回互岡巒起伏雜花叢

於層石古柏蔭於疊崖涼颼徐來煩愴頓滌實仙靈之館也爾其清谿環鳴瑟雞叶韻荇藻漾潔游甲浮空樹入牀前橫簾礙路山來鏡裏鳴鳥依人予亦不自知其何以目不周翫情不給賞也嗟夫平圃銅柱君山玉臺姑射尋仙空桐訪道誠栖霞之逸志或齒屐之寓言孰若此山境鄰城市不染巖氛楹不待選日自隱難田鋤芝而鳥糞泉挂鶴而煙霏哉假令子厚來此必悔其以嘉名錫彼穢區也

游萬卷書巖記

水經注云積石河北有層山山甚靈秀縣巖多石室室中有積卷而世士罕有津逮者謂之積書巖巖堂之內時有

神人遑還荅陵記云天門山巖中有書數千卷見而不可
取伏滔北征記云皇天場古陶穴藏書二千餘卷異苑云
百丈山中有石房內有石案置書二卷荊州記云小西山
石穴中有書千卷相傳秦人於此學畱之故梁湘東王云
訪西陽之逸典也余載念前言每思御飊輪而上尋琅嬛
福地陪守門之犬讀玉京紫微金真七映六戊丹書紫字
諸秘籍而遇嗇緣慳未之或覩又念乏此外之方聞慚安
世之善記卽有玉版奇文瑤壇怪牒亦瞢視茫眈矣夫羽
陵蠹簡牧德靈符羣玉爲庸成之策府宛委有高密之元
經是名山者固儲書之石室貯典之蓬觀也玉屏邑東一

里高峯峭壁疊石千層儼若牙籤萬軸橫亘江左則萬卷書巖也余旣不得讀中秘書而來此何敢薄民社爲灑官但一行佗吏此事遂廢每當敲撲犯慮牒訴裝懷之時登臨舒嘯坐擁萬卷不啻南面百城而塵容俗狀俱爲之一洗是亦舉宦之至樂也

游飛雲巖記

天官家言周雲如輪魯雲如馬衛雲如犬秦雲如行人齊一作鄭雲如絳衣宋雲如車趙雲如牛楚雲如日韓雲如布魏雲如鼠越雲如龍蜀雲如車而不聞黔之雲爲何狀余來黔見毒箐灌莽嵐溼之所蒸鬱爲蠻雲類符陽之怪氣

無所謂花葩紕縵錦繡縹緲縣零曜藻慶裔綢繆者乃至
黃平游月潭寺顧瞻巖石則爽然失愕然驚且慙慙然目
不周覽也則見奇執爾詭不可名欬或巖厠而彭薄或輪
囷而屈鬢或遼巢而翦鬱或逆豎而倒縣或龍蟠而虎仄
或鵬奮而鳳軒或蛟騰而鵠逸或獅厲而象羶或蘇引而
旗導或纓綴而帶翩或乳垂而煙結或浪擁而濤漩而且
高者嵒曰下者回嵐巨者勺谷空者隱潭皺者膚蹙漏者
竅含瘳者骨削薄者殼多墜者星落簇者毛毳立者如睪
欹者如嬉蹲者如怒斲者如虧竊嘆曰此巖之石何其譎
也何其似雲之欲飛去也雖然造化工之奇能以黔之

荒僻而闢此靈巖復能使孱孱之石變態而不可究詰卒
不能使雲之東西絡繹南北油裔者如此巖石殆此巖已
罄造化之巧彼蒼無復餘情以付豐隆故此巖遂得獨擅
飛雲之奇也夫

梵淨山記

黔之郡凡十三而山接蠶叢江通雲夢扼百蠻之要害者
以銅仁爲最銅仁之山凡數十而巖谷幽異峯巒峭別灶
三江_{也江甯羅江銅仁江}之形勢者以梵淨山爲尤玉屏與銅密邇
余恨局於墨綬不得遶一問辟支佛之遺蹤然數數輒聞
其奇默想其景髮髯其境界不啻目擊之也聞絕巔有寺

風厲不可瓦治以鐵疑蜚廉爲之飲炭屏翳爲之鼓爐也
寺側有崇臺三曰拜佛曰說法曰煉丹疑鴻衣羽裳練精
餌食之夫所宅也有井曰定心水寒沁肌骨清鑒毛髮疑
飲之者可洗躁進之懷也山後有池曰九龍池皎焉沖照
淨無斥草疑有翠鳥銜其淪蘊也登之者先由金刀峽而
上峽之高千仞中如斧劃隔五六尺許有飛橋相接疑巨
靈之所開鑿也左右皆立梵宇廣濶可容數千人陟者攀
絙上下若蹈空而行疑上落雁峯千尺之幢也至其椒千
里風煙可一覽而盡疑登岱宗曰觀可小天下也然周圍
僅四丈突兀陡絕疑猿從喪其捷巧鼉族謝其輕工也又

有香爐峯絳架巖藏經巖羅列競秀下有九十九谿紆折
環繞疑匡廬峯厓之勝天台雁蕩之奇以逾也余於黔
之錦巖珠壑秘洞靈淵亦幾遍踏矣疑此山不獨銅仁之
壯觀且爲全黔之勝概也何必泛螺舟而渡海乘毛車以
翔風登擘搖顛羶于大荒探瑜次錢來于泰遠然後詫語
殊靈槩標怪秀以爲異乎

飛鳳山記

昔向長欲男女婚嫁畢褰纈游五岳是其勝賞神鄉秀情
超拔矣余疇昔亦心栖白雲邈想霞踪今遠宦來黔始入
界所遇巖巒殊無慰翫望者舊說天下山半在黔中青疑

昔人譌詞也泉抵任眠事稍暇凡境內山川亦每觸岫延
賞傾瀾懷煙而人士多嘖嘖飛鳳山之奇其言曰山之高
森峯限日峭壁爭霞俛瞰城郭猶匹帛之繞叢花險逾縣
度累梯乃升下則塗雖河清流見底游鱗可數沙如霜雪
石似瑤瑤架木爲罽徧通之蘭茝被徑送馥懷芬榜曰眾
香國高僧某卓錫時之所顏也玉皇閣倚雲結構渺如仙
居梵響凌虛遠山相含轉側十餘峯丹崖翠嶂點黛飛瓊
石罅中瀑布激素灑清如委幅練數折入河聲猶雷轉循
崖東而左仄徑難登緩亦須翼攀蘿尋葛乃躋絕巔其上
眞花不落古樹恒春岫挂松釵岑交竹影流風叩阿宛若

彈絲自下望之瀟冶如笑蒼翠如滴明淨如粼慘浚如陘
四時之景豁目頤懷又風胎雨霰戲弄羽毛飛猗栖鯉乘
煙歌唼信可以韜軼笙簧跨躡管籥予耳之神思飛越覺
甌麻玉筍恍遇目前急欲遶游以盪吾胷會差至不果輒
形夢寐後勘地丙谿途次埜雞坪去山里許見層巒疊嶂
中一峯高聳旁有兩山夾峙如鳳舒翼幪此山之得名不
誣也爾時船雲彭澤陵雨瀆流路淖而濶又不得往游以
探勝恍如海上神山可望而不可卽然予有濟勝具俟秋
高腴涼餘歆稍退終當陵最高峯造幽峻看博芙蓉之石
調鶴柜格之松聆風泉之虛韻翫巖桂之清香不使子平

獨精物隱也聊記此言以爲券

游白雲山記

廣順州東四十里有白雲山層巒疊嶂如渴驥奔泉至此而止白雲龕峯頂陰晴皆見爲建文帝荒遯之所上有羅永葺葺前古杉三株長數丈其一經帝手摩至梢無附枝又有跪井舊無水龍神爲之涌波恒雨不溢恒暘不涸時有雙鯉出沒其閒取水者必跪汲乃可得云余於癸亥之二月攝篆斯州暇日命駕往游欲向寒煙蔓草問卓錫之遺蹤至則鹿苑積瀦泉息脈林雅空噪巖磬無聲惟嶺上白雲尚依依似舊也道旁臥一石碣鐫帝詩三首係州

牧韓之屏所刻其中牢落西南一詩作於滇南後二詩作於羅永者彙刻於此則韓君之疏也余旣剔薛讀之遂策馬歸歸塗少轉有蒼嶺橫亘挾雲欲飛縣崖青石如婦人回首顧盼簪髻宛肖相傳有神姬每夜至帝所服役後被人覩歟化爲石又有沈潭灞澗涵碧無波相傳帝昔經此忽一靈犀躍出跼伏道左若聽驅策者噫鳥翼庚辰虎乳鬪班金狄灑淚泥馬騰波蛇衛顓頊之墓燕填臨江之墳神獻管涔之劍龍眷寄奴之藥推詳往迹則影徹經史攷驗真怪則叶符圖籍雖辭邈涉誕而音旨非誣矣旣作此記復繫之以詩

游羅睺山記

必欲陵丹丘以款羽人汜滄溟以窺龍伯始足窮山水之
觀則見亦同于拘墟况牒訴倥偬敲撲喧囂而效靈運之
聚徒通道安石之攜妓娛情則于民事必有不暇爲謀者
昔人卷簾白水隱几青山之詠真有味乎其言之也銅梁
邑東五里有羅睺山余履任後公事稍簡筭將游焉前爲
聖壽寺由左而上噍巖甌綺峭壁駉駉碧璽翳景蒼松拂
雲行五十弓所乃至東巖寺縣崖矗起瑯鐫佛像架木爲
梵宮再進爲臥佛巖覆以脩廊右轉渡石橋爲東嶽殿踞
山之梟前橫巨石如屋有宋紹熙時刻上多蒼竹勁根坳

石不土而生後則盤陀隆起履磴而上阿平四徹前人建
亭遺跡尚存則拜雨臺也西瞰城郭蜿蜒起伏跨岡包谷
南則巴嶽桀峙疊秀千霄壑氣嵐煙變幻佳態北望則遠
岫緜濛橫列如案飛鳥翻翼時沒林杪返至養和軒余所
新作也疏櫺四啓清風入袷鷗鷺之聲圓亮悽切扶光穿
林綠影在地酌贊夏披師春殆忘乎簿書之勛錄矣嗟乎
襄糧五嶽鼓櫂三江早償向平之願不讓志和之蹤而乃
流連於此者非效泉石膏肓煙霞痼疾之爲抑以尋峯穎
楮祁連金液欲踐約于佗年也

錦屏山記

錦屏山在縣之北周圍五十餘里高聳橫峙如屏然縣因以名樹木蓊蔚流泉潄沸曠如奧如鍾孕蕃滋昔時人文淵茂顧彥迭產埶近諸鄉資其水源灌溉田疇民生以裕有泰洪寺僧覺清窺見深邃利其繁殖私建刹宇規圖侵占福延洗油兩合之民因水涸控縣斥逐後仍竊踞焚林開塋殆無遺土邑紳士稟請前署篆牛君履勘定界詳府立案余卽任之二月出示嚴禁盜伐查明舊蓄杉竹若干捐廉栽杉樹三千招僧徒守護並禁左右居民不得越畔暇日單騎遶游未至數里眎之赤壁赧駁列若城墉入其中縣巖沓翳幽壑回互喬松偃鶴清篠鳴鸞太泉濺玉以

巫紳曲溺罪煙而飲霓轡顧遠望襄衷者久之從此雨露
涵養坤媪效霽姑櫟干霄脩篁鬱薈不獨延賞飽稔擅一
邑之勝概而官府風雲懷吐川渠亦大有賴于蒸黎也恐
歲月塵邈奸民覬覦爰述端末乘石垂遠山之界北抵泰
洪寺黃文貴地西抵泰洪寺地南抵學田聶廷相朱國松
張之楷地東抵羅光燦楊世淳楊世振地叅刻條款於左
經理紳士姓名於碑陰

修西寧堡記

西寧汛去縣治三百里許與雷波毗連涼山猓夸時出劫
掠斯地爲必由之塗掘壙焚室剖媼剝兒惟斯地首被荼

毒而乾谿菜壩以次受其繹騷雖屢徵兵勦戮糜膊披肢
而夸性生獫狁猖鈔鏖頻歲有聞又窟穴深邃蝮蛇豺狼
叢伏肆擊箐林隱翳追竅無蹤聚而殲旃不其難哉計惟
有以守之乃克禦之故守邊之術李牧善算保塞之論嚴
尤箸要古人築魚澤石門之障置烏壘支就之城其控北
狄也有然余謂治南夸亦當如是西寧舊有城淪虜多牽
僅存垣阨邑之人怵懲後患思有以固圉而土地瘠腴素
渺殷殿且蹂躪屢經日形蕩析監生祝世鳳忼達有識隱
憂未然乃募眾捐脩得金若干計時數月而城堡大焉其
把總廨署兵丁舍宇靡不完繕可謂有功桑梓矣余蒞任

養素堂文集

卷七

六

之二年夸人自化林羅三谿至東寧烽火相望乃刻期選
從給銃矛發餽糧往堵旋卽退去幸無擾我疆場從此邊
城晏閉牛馬布野父老緩帶稚子咽哺共安耕鑿之天不
知風鶴之讐苗且舞羽城可不費是亦守土之厚願也是
爲記

修迴瀾橋記

沐川司去縣治二百里而遙所并谿去沐川三里而近谿
舊有橋殯圯者數年矣駕樅以渡塗旅病之每值大雨時
行山潦鴻發往來迷津望泮裹足余履任後頻過其地睇
矚約之支離憐揭厲之艱難損俸倡先我民助臂無蝕無

厥戒飭董事醵石駿佗不月告成長虹臥波衛繇砥平在
昔薛惠宰彭城鑿缸濟眾崔亮刺雍州攻木利人率皆畱
心輿梁克符仁政若李公勗造七星灌乃田畊王周見覆
租車引爲已過雖古烈之難期實余膺之所服也爰紀始
末以詔來者

安濟橋碑記

什葛營而南有下谿連山縈迴峭壁巉絕巨石崩落深壑
黝冥其水承東興國魚瑪瑙諸谿積波轂轉駭浪靈殷湍
激之音喧巖傾地負簞褰裳者至此望風謝路羅生廷謨
翔竇敦竺嗜義首公憫涉者之病爲濟人之舉勾工伐石

所夕董佗選險剿狹超涯截壑糜金五百有奇歷六月而
橋成焉嗟虜雨畢除道辰角昭回水涸成梁天根灼見後
世惠人政廢從厠不修斯單襄薛宣所爲浩歎也羅生此
役補有司之不及爲玼吝之所難人不必川游徑踰路自
覺矢直砥平蛟龍伏幽星象瀉瀼跨虹連岸浮鼃續航亦
屏邑之壯麗者與余爲之名曰安濟而記其緣起如此

修靖邊樓記

去縣治二里所有望龍山山之岬置關曰龍關俗謂之東
關也舊有樓淪虜日久寫桷靡存余於簿書稍暇捐廉修
之觀其縣巖霞起壁岸無階隱曦削雲翼佩江胥水脈漂

迅興怒震靈路不容軌牛叩馬搏石乃累廩魄敘神驚極
艮坎之形勢矣昔法孝直有言魚復捍關臨江據水實蓋
州旣福之所予謂此關界限滇蜀控制都奇亦戎瀘之屏
障也登其樓眡複阨之鑄監賊繩若之源流指昌憲之芘
野眇隗相之平石尋葛相之古渡弔姚岳之戰壘亦將幽
情瀆涌吐思峻嶒豈徒天水長笛歛麾一聲東陽乎暢妍
抽八詠哉工旣竣銘諸石復爲之記識其甲子時維嘉慶
焉逢淹茂涂月之庚申日

登多寶塔記

晴雲曄絮暖日生煙波綠水喧峯青山笑尋芳草而蹠馬

攜雙柑以聽鸛此其時矣多寶寺者唐宋古刹也鼠跳敗
瓦鴟嘯摧梁樹禿如驚僧窮似句伊蒲饑冷梵唄音沈山
空谷靜兮絕晨鐘花落鳥啼兮寂莫鼓蒼苔碧蘚兮無人
到寶地香城兮又曰荒余偕少尉蔡雲往游焉語燕隨旌
春風護幃罔曲桃開谿橫柳臥泥滑石路炊熟煙邨童交
聚觀苾芻導返至則踞磐石而憩之蜀笥堆盤巴清瀉瓊
垂虹倒飲吠犬斜窺漫說覺皇縱譚脂帝三明三昧六趣
六根神耀無師檀特證道二菴瑞雨三菴劫灰蘭閣廢興
羅刹漂墮妙義破銅鑠英詞排鐵圍蔡子聞之幾至眴顛
遂與褰衣袂躡磴梯炬火雙童僕掖盤蝸緣壁偃歸攀枝

逶迤十一層髣髴三千界已造多寶塔之頂矣診諸殘陽
建於乾寧壬子脩於紹興壬申殆千餘年雄峩如故菩薩
低眉金剛怒目青蓮獅吼紫竹鸚飛難陀呪龍迦葉馴虎
竭室妙質盧舍真容瓔珞璽光寶珠漾色盡法象如是其
精也則有寶幢卅字貞珉梵文曠目剎那驚心阿鼻慈門
瞻仰福海鄭斟證最上乘生極樂國欲求果報用是檀施
是爲瀘南安撫使馮大學施錢之碑昌州王谿井劉傑夫
捐鐵之記由是遠望烟霞往來林泉左右崇巒聳複瀾
縈迴耳聆天言背決鳥背朝棲義駕宵駐娥軒法雨飛簷
恒星耀拱颯吟鳳鐸霓綴蚪幡軒皇城樓阿育窳堵此亦

可以厠之乃牽連而下復爲北山之遊路險蟻封徑通鳥道泉聲殷地石色遮天聖跡畱崖佛影在水毒龍驅霧醉象掃風八萬仙人毗耶布路十千天子帝釋來朝迴視浮圖如在空際也

新繁縣王虎臣明府重脩來薰橋碑記

昔秦昭王時蜀守李冰穿二江而鬥牛殪田溉舟通乃鑿石犀厭水精築金隄防波衍蜀于是成沃土乃復上應七星佯橋以濟行旅所謂南江橋者後名安樂萬里橋者亦曰篤泉市橋卽延岑敗吳濊之處若昇仙沖里雁犀倬繩皆箸見于舊史新繁本濊之繁縣季濊延熙十年改爲新

繁晉太康地理志云沱在繁縣蕭廣濟注江臨云江觸玉
壘山東爲沱或謂卽禹貢之江沱者非據漢書溝洫志亦
李冰所鑿水經注云文翁又穿湔湔以溉灌繁田千七百
頃卽今由灌崇二縣逕邑城南又東南入新都金堂而注
于岷江者也乾隆三十四年建有石橋至四十四年沖毀
五十九年重修屆嘉慶八年湔褫九年復修抵十一年又
傾陀每值夏秋之交波囊四陸行者望泮渡以小泔淪胥
弗免甚且牛馬不辨殞岸機舟王君文炳履任之二稔毒
育淳樸鋟剔蠹奸民大戩藻爰集紳耆而謀之僉曰良善
乃相地勢召鑿匠采堅所樂輸之衆比于慕蘊董督之人

罔有嵒岷費將萬金閱四月而工竣焉靈螭負砥長螭飛
梁瀾鏤沙明雲鋪虹臥信乎鞭石不忤村畱永潛矣嗟虜
崇隗尹維陽委輸流通尙賴卑國降監之協贊崔亮刺雍
州億兆利濟而得長浪浮木之奇恢要皆不安謔諛克符
仁政也今君之爲此橋也其非周禮司險知川澤之阻而
達其道路之遺意乎

脩單石鋪旌善橋碑記

今以大行王屋之山舉而擲之勃海之尾此河曲智叟所
竊笑也而愚公能移之今以浙江錢塘之潮驅而注之西
陵之岸此靈胥天吳所稱雄也而錢鏐能射之是天下事

固固有難焉者也然而有難焉者折秋蟬之翼埋之游蟻
之垤而童子不爲抽穴鼠之肝登之函牛之鼎而壯夫卻
步何則名所不在亦利所不存雖鉢之使前將廢然而返
矣唐生宗舜內江國子生也翔實敦篤輕財樂施有古人
風其生平豪舉難更僕數而廖子一鼇實佐佑之蓋其見
義必爲自性然也往者榮昌縣吳家場之萬古橋殯陀久
矣而廖子募得數千百緡歷六載之勤成虹梁之觀至今
人頌砥平焉余暑大匡之歲暇日廖子偕唐生謁見請曰
匡邑東九十里而近有單石鋪爲驛路通衢有小安谿源
出玉口山下流逕永川銅梁二縣界至合州西南入涪江

舊有橋甚庳小每值大雨時行山潦衝溢波襄四陸吏人望泮植望竿設溜筒以傳文報蓋亦勞止今者善政遠聞鄰封景慕宗舜願捐錢數千緡別建大橋一鼇願助力督董其事余曰有是哉二子之嗜義也夫人坐擁厚貲世躋華靡衣媮食呼盧百萬宗族飢寒噤不之卹此世風所以日凜也子乃能視蠛蝓如塵埃拚陷溺于衽席以補救地勢人力之窮可謂獨爲所難爲者矣儻其終勉之二子告退卽鳩工伐石昕夕從事爲橋高三丈長十八丈寬二丈爲洞三而冷貢生王燧偕族人以店房讓爲橋基鄉約陳開訓亦撤屋焉皆激于義者也蓋閱十又一月而功始

竣爲紀其顛末令鐫石垂諸久遠以旌其樂善利濟之美
遂以名橋云

大足縣脩東郭虹橋記

余足跡半天下凡游歷之邦見陂塘浚濬橋梁整飭卽意
其有司吏治之脩心竊稱善前在屏山任時于境內病涉
之處相度地形踵司險故事于下谿建安濟橋于旣井谿
建迴瀾橋于結髮壩建鎮螭橋皆戒飭董事者無蝕無窳
傭工旭卉俾民免揭厲之虞今來署斯邑有監生劉增前
請曰東關之有橋尚矣父老言建自明末厥制甚庳狹洎
本朝乾隆十八年鑿石厓而高之上駕木立亭子迨二十

六季遭鬱攸以毀遂卽補葺今

上嘉慶之十八季秋水鴻發淪于波臣往來褻足目者心
惻增乃募金重修橋因以立計橋高二丈六尺有奇長十
八丈寬二丈五尺有奇爲洞五上建亭三十間以憩行者
高二丈六尺有奇亭上樹樓祀神以祝輦固費錢四千餘
緡經始于二十二季至二十三季春乃蒞事今又于上河
脩小石橋以便鄉邑之人往來于下河築堤堰以遏水勢
皆增昕夕董工幸而告成也其涼亭店房每歲賃租六十
餘緡付九廟首事生息以爲修補費敢祈文以示久遠余
曰此守土有司之所宜從事也而生能驅沒章度以斲于

成殆可謂首公者矣遂書此貽之勒石以嘉其嚮義之誠
篤云